


Gott leet Adam sea deep entschloopen. Aus hee schleep, neem Gott eent von Adam siene Rebber, un muak eene Fru doavon. De Fru dee Gott muak wia de rajchte Help fa Adam.



19

Gott muak aules en sass Doag. Un Gott säajend dän säwenden Dach un muak daut een Dach toom utreiwen. Adam un siene Fru Eva wieren Gott jehuarsom, un see wieren gaunz jlekjlich em Goaden Eden. Gott wia de Har, hee sorjd fa aules, un hee wia äa Frint.



20

Aus Gott aules muak


Eene Jeschicht von en daut Wuat Gottes, de Bibel

finjt eena en

Mose 1-2

"Wan dien Wuat openboat woat, jeft daut Licht." Psalm 119:130

Aus Gott aules muak



Jeschräwen von Edward Hughes
Jemolt von Byron Unger; Lazarus

Äwasat von Ed Zacharias
Toom Pauss jestalt von Bob Davies; Tammy S.

Story 1 of 60

M1914.org

Bible for Children, PO Box 3, Winnipeg MB R3C 2G1 Canada

Jesazlich: Du doascht dise Jeschicht oppnämen ooda drekjen, soo lang aus du dee nich vekjafst.

Gott weet daut wie schljachtet jedonen haben, waut hee Sind nant. De Strof fa Sind es de Doot.

Gott es ons soo goot daut hee sien Sän Jesus schekjt, daut hee fa ons aum Kjriez storf un onse Schult betold. **Jesus stunt vom Doot opp** un es trigj nom Himmel jefoaren! Nu kaun Gott ons onse Sind vejäwen.


Wan du von diene Sinden west wajchdreien, dan saj dit to Gott: Leewa Gott, ekj jleew Jesus es fa mie jestorwen un daut hee nu wada läft. Komm en mien Läwen un vejeff miene Sinden, soo daut ekj nu kaun nieet Läwen haben, un noch emol opp emma no die komen. Halp mie fa die to läwen aus dien Kjint. Amen. Johannes 3:16

Lass de Bibel un räd jieda Dach met Gott!

Plautdietsch


Low German

Wua kom wie häa? De Bibel, Gott sien Wuat, sajcht wäa de ieeschte Menschen wieren. Lang trigj, muak Gott dän ieeschten Mensch; hee nand däm Adam.




1

Gott formd Adam von daut Stoff oppe Ieed un pust an dän läwendjen Odem en. Adam sach hee wia en een sea schmocka Goaden; dee heet Eden.




2

Ea Gott Adam muak, muak hee eene schmocke Welt un vâl schmocket opp de Welt.




3

Eent no daut andre muak Gott de Boaj, de Stapen, de kalieje Bloomen, groote Beem, Vâajel dee doa sungen, brommende Bieen, groote Waulfesch un jlebbaje Schnigjen. Gott muak aules waut doa es—ales.




4

Aum Aunfank, ea Gott aules muak, wia doa nuscht buta Gott. Doa wieren kjeene Menschen, kjeene Stâden ooda Dinja. Nuscht. Doa wia kjeen Licht un kjeen Diesta.



5

Doa wia nich nopp ooda rauf. Kjeen jistren ooda morjen. Doa wia blooss Gott, un Gott haud kjeen Aunfank. Oba dan deed Gott waut! Aum Aunfank muak Gott Himmel un Ieed.




6

Un de Ieed haud noch kjeen Jeschekj un kjeen Lâwen, un âwa daut deepe Wota wia aules stock diesta. Dan sâd Gott: Lot Licht schienen!




7

Un daut wort dach. Un Gott nand daut Licht: Dach, un daut diestre nand hee Nacht. De Owent un de Morjen vejinjnen vom ieeschten Dach.



8

Aun dän tweeden Dach brocht Gott daut Wota un jarem Himmel toop opp soone Stâden aus de Ozean un daut Mâa. Aum dredden Dach sâd Gott, "lot doa driejejet Launt vâakomen." Un daut wort soo.




9

Gott sâd daut Grauss sull vâakomen, un uk Bloomen un Bescha un Beem. Un dee kjeemen âwadâl. Dan wia de dredda Dach âwa.




10

Gott muak dan de Sonn, de Mon un aul de Stierns, soo vâl daut dee nich aula to talen sent. Daut wia de viedda Dach.




11

Aun dän feften Dach muak Gott de Tieren dee em Wota lâwen, de Fesch un uk de Vâajel. Hee muak de Heifesch un uk de Sardiens, de lankbeenje Straussen un de Bromvâajel. Hee muak aul de Sorten Fesch dee em Wota lâwen, un aule Vâajel dee oppe Ieed sent un enne Loft flieejen. Daut wia de fefta Dach.



12

Dän naäksten Dach sâd Gott noch mea. Hee sâd, "Lot lâwendje Tieren oppe Ieed vâakomen." Dan jeef daut aul de veschiedne Tieren, Kjniepasch un Ieedseelemaunda. Daut jeef Elefaunten un Ieedkotasch, daut jeef Open un onjeschekjte Krockodielen, kwaubelje Warm, nieschieeje Eichhornchen, spoakbeenje Jieropen, un nuzhelje Kauten. Gott muak aul dee Tieren dän Dach.




13

Daut wia waut hee dän sasten Dach deed.



14

Doa wia noch waut, waut Gott aum sasten Dach deed, waut sea besondret. Aules wia reed fa de Menschen. Doa wia Âten oppe Stap un doa wieren Tieren to haben.




15

Un Gott sâd, "Well wie Menschen moaken, dee soo aus wie sent un ons likjnen. Lot an Macht haben âwa aules oppe Ieed." **UN GOTT MUAK MENSCHEN, DEE SOO WIEREN AUS HEE, NO SIENEM PLON.**



16

Gott sâd to Adam, "Du kaust daut âten waut du west em Goaden. Oba von dän Boom, dee daut Vestentnis jâwen kaun, waut goot un schljacht es, von dän saust du nich âten, wiels daut woat onbedinjt dienen Doot brinjen."



17

Un Gott de Har sâd, "Daut es nich goot, daut de Mensch auleen es. Ekj woa wâm moaken toom am halpen." Gott brocht aul de Tieren un Vâajel no Adam, un hee jeef an âare Nomes. Daut wia eene groote Oabeit fa Adam. Oba doa wia kjeen Helpa fa Adam mank aul dee Vâajel un Tieren.



18